




Broj: 01-02-1-79/15

Sarajevo, 7.1.2016. godine

**Parlamentarna skupština BiH**

Kolegij Predstavničkog doma

Ustavnopravna komisija Predstavničkog doma



Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), Zakonodavno-pravni sektor dostavlja

**MIŠLJENJE**

**o usklađenosti Prijedloga zakona o izmjeni i dopunama Zakona o Vijeću ministara Bosne i Hercegovine s članom 105. Poslovnika Predstavničkog doma i Jedinственим правилима за израду правних прописа u institucijama Bosne i Hercegovine**

Predsjedavajuća Predstavničkog doma Parlamentarne skupštine BiH je, u skladu s odredbama člana 106. stav (1) Poslovnika Predstavničkog doma, aktom broj: 01-02-1-79/15, od 6.1.2016., dostavila Prijedlog zakona o izmjeni i dopunama Zakona o Vijeću ministara Bosne i Hercegovine (u daljnjem tekstu: Prijedlog zakona), Zakonodavno-pravnom sektoru radi davanja mišljenja o usklađenosti Prijedloga zakona s članom 105. Poslovnika i Jedinственим правилима за израду правних прописа u institucijama BiH.

Prijedlog zakona, broj: 01-02-1-79/15, od 30.12.2015., podnijela je Komisija za ostvarivanje ravnopravnosti spolova Predstavničkog doma, kao ovlašteni predlagač, u skladu s članom 104. stav (1) Poslovnika Predstavničkog doma.

**I. Usklađenost s odredbama Poslovnika Predstavničkog doma  
Parlamentarne skupštine BiH**

Prijedlog zakona podnesen je u formi teksta, u pisanoj i elektronskoj formi, na bosanskom jeziku, što je u skladu s članom 105. stav (1) Poslovnika Predstavničkog doma.

Članom 105. stav (3) Poslovnika Predstavničkog doma propisano je da se uz prijedlog zakona dostavlja obrazloženje koje sadrži:

- a) ustavni osnov za usvajanje zakona
- b) razloge za donošenje zakona
- c) principe na kojima je zasnovan prijedlog zakona
- d) procjenu finansijskih sredstava neophodnih za provođenje zakona
- e) mišljenje Direkcije za evropske integracije o usklađenosti prijedloga zakona s pravnoobavezujućim normama EU, kao i mišljenja institucija i organizacija koje su konsultirane tokom izrade prijedloga zakona i
- f) bilo koje druge okolnosti koje bi Domu mogle pojasniti razloge za donošenje zakona.

U vezi s tim, uz Prijedlog zakona dostavljeno je obrazloženje koje sadrži:

1. ustavni osnov
2. razloge za donošenje zakona
3. principe na kojima je prijedlog zakona zasnovan, te
4. procjenu finansijskih sredstava potrebnih za provedbu zakona.

U skladu s članom 105. stav (4), kada je poslanik predlagač zakona, mišljenje Direkcije za evropske integracije o usklađenosti prijedloga zakona sa zakonodavstvom EU pribavlja Kolegij Doma.

U skladu s navedenim, Prijedlog zakona **usklađen** je s članom 105. stav (3) Poslovnika Predstavničkog doma



Predlagač je, u skladu s članom 105. stav (5) Poslovnika Predstavničkog doma, uz Prijedlog zakona priložio i odredbe koje se mijenjaju odnosno dopunjavaju, te neslužbeni prečišćeni tekst Zakona s ugrađenim odredbama Prijedloga zakona, te je u tom smislu Prijedlog zakona **usklađen** s članom 105. stav (5) Poslovnika Predstavničkog doma.

Komisija za ostvarivanje ravnopravnosti spolova je, prilikom izrade Prijedloga zakona, u skladu s članom 105. stav (7), zatražila stručnu pomoć Zakonodavno-pravnog sektora u smislu usklađivanja s Jedinstvenim pravilima za izradu pravnih propisa u institucijama BiH.

S obzirom na navedeno, Prijedlog zakona o izmjeni i dopunama Zakona o Vijeću ministara Bosne i Hercegovine **usklađen je** s članom 105. Poslovnika Predstavničkog doma.

## **II. Usklađenost s Jedinstvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)**

Prijedlog zakona svojom strukturom, formom i stilom odražava pravila izrade pravnih propisa, kako je i propisano Jedinstvenim pravilima za izradu pravnih propisa u institucijama Bosne i Hercegovine, te je **usklađen** s Jedinstvenim pravilima za izradu pravnih propisa u institucijama Bosne i Hercegovine.

 Rukovoditeljica  
Zakonodavno-pravnog sektora  
Mirjana Kutanjac 

Dostaviti:

1. naslovu
2. sekretarki Zajedničke službe Sekretarijata